

SHIV MAHEMNASTOTRA

IN KASHMIRI VERSES

Shiv Ratri Greetings



Published By:

Pushkara Swami Sewa Ashram

Laxmi Puram, Chinor, Jammu

Walt Whitman

Walt Whitman

श्री

महिम्नः

स्तोत्रम्

कश्मीरी भाषा
में अनुवाद सहित



रचयक : श्री पुशकर नाथ कौल (पोशि मोत)

प्रकाशक : श्री पुशकर स्वामी सेवा आश्रम
लक्ष्मी पुरम, चिनौर, जम्मू ।

मूल्य : २००० रुपये

मुद्रक : दुर्गा प्रिन्टिंग प्रेस, जानिपुर, जम्मू

शक्ति : मन्त्र

प्राप्त विद्वत्
शक्ति प्राप्त
























शक्ति (शक्ति) शक्ति प्राप्त विद्वत् शक्ति
शक्ति प्राप्त विद्वत् शक्ति शक्ति
शक्ति शक्ति शक्ति शक्ति

शक्ति शक्ति

शक्ति शक्ति शक्ति शक्ति

❧ ❧ ❧ ❧ ❧ ❧ ❧ ❧ ❧ ❧ ❧ ❧

※ पेशकश ※
※ ※

वारियाह कालु प्यठु ओस म्य भाव जि बु करु हा
शिवमहिम्नास्त्रोत्र परिथ अम्युक माऊने पानस मँज
फिकरि तारनऊच कूशिश। केहं दोह ब्रोंह लऊज म्य
अथ भावस वुतिश जि माजि कशीरि हुन्द सन्तान आस
नु किनि गोछ अम्युक तरज्मु कअशरि ज़बअनि मँज
लेखनु युन। भगवान शंकर युस अकि तरफु कल्याणुक
आगूर छु; छु बेयि तरफु बुद्धि हुन्द स्वामी ति। शिव
अनुग्रह किनि आयि म्य पननि टाछि कोरि येमि सुन्द
नाव पवनलता कौल छु तँ यि प्रेरणा जि यि भाव गोछ
जल-जल सम्पूर्ण सपदुन। तमि ओन म्य रामाकृष्ण
आश्रम शिवाला मंदरु प्यठु अमि बेहलि पायि स्त्रोत्रुक
अंग्रीज अनुवाद युस स्वामी पवित्रानन्द जियन कोरमुत
छु। अमि स्त्रोत्रुक बजर तु शब्दन हुँद सन्यर छु स्यठाह
सोन तु अथ कअशुर रूप दयुन ओस म्यानि अकलि
नयेबर म्य पयेव सर्वगीय पँ० जियालाल जी सराफ युस

ज़न पोखरि बलु ज़गत अम्बा कीतन मँडली हुन्द ज़्युठ
 ओस, तमि सुन्द माने परून तु महिम्नस्त्रोत्र समझनअच
 कूशिश करजिन। अमि ह्योर वनु बु यी जि यि कैछाँह
 म्य कूशिश कऊर अम्युक अनुवाद कअशरयन शुंकयन
 मँज करनस ओस सिर्फ शिव अनुग्रह तु मेय ओस
 बासान जि पऊरि-२ तु सूँचि-सूँचि छि मयअनि अकल
 असर्मथ व्यखनय करनस मँज। बु छुस पवनलता जी
 अुन्द स्यठाह आभारी येमि ज़न पनुन कअमती ववत
 र्सफ कोर यि सअरई वचन माल सोम्बरनस मँज तु
 भगवान दियिन तमिस अम्युक फल तु मयोन आशिर्वाद
 छि तमिस सूर्य सातु-सातु।

अगर काँह गल्ती यथ स्त्रोतस तरजुमअ करनस
 मँज आसि तथ छुस बु क्षमा मँगान तिक्याजि सोदरस
 ह्योक नु कँअसि वोन्त लभिथ।

तुहुन्द अख दास

पुशकर नाथ कौल
 “पोशि मोत”

कर्पूर गौर करुणावतारं

संसारसारं भुजगेन्द्र हारम ।

सदारमन्तं हृदयार बिन्दे

भवं भवानी सहितं नमामि ॥

अर्थ :-

प्रनि खोतु प्रोन छुख च ईश्वर

कोफूर रंगु ज़ोतान

हनि-हनि मँज छुई च्य शेहजार

पायि बोड छुख दयावान

संसारस सार केवल चोन

अनुग्रह छु तारान

नाग्रेन्द्रहार छुख चु दअरिथ

डेकि चन्द्रम चे ताबान

सूत्य गौरी यिता घरु मयोन

तन मन छुसस अर्पण

शिव शंकर ही जटाधर

हरषेश्वर भगवन ॥


ही महादेव चअनिस स्वरूपस छुस बु
 नमस्कार करान। चानि स्वरूपच वरवनय किथु
 करव। चोन रंग छु कोफूरअकि पअठि प्रोन। यि
 छु स्यूत ज़ोतवुन जि चअ छुख परिपूर्ण साफ
 तअ संसारकि विषय वासना मलव निश बयोन
 बासान। प्रथ कअसमकि गाशुक छुख चु आगुर
 तु चोन कोफूर हयू रंग छु बासनावान जि सोरई
 प्रकाश छु चयई मँज लय सपदान। चय छय वाम
 बागस मँज शक्ति येमि स्रूत्य चु दयायि हुन्द
 समंदर छुख बासान। चु छुख सु बिन्दु यथ
 अंदि-अंदि सोरूई संसार छु नचान। यिथु पअठि
 छु केवल चोन स्वरूपई येमि संसारूक सार।
 हटिस छुई चय मालि कनि भुजंग दोरमुत ताकि
 युस संसारूक क्रेछर रंग ज़हर छु सु चयख चु
 पानअ तु संसारस बअगरख अमृत ! प्रथ जीवअ
 सुन्द जिन्दअ रोजुन छु तवय मुमकिन बनान
 येलि चु प्रथ हृदय रूपी पम्पोशस मँज छुख फेरवुन
 अथ चअनिस स्वरूपस येति शिव तु शक्ति चेई
 कुनई, छुसय बु नमस्कार करान ॥



आधीनामगंधं दिव्य व्याधीनां मूलकृन्तनम्
उपद्रुवाणां दलनं महादेवमुपास्महे ॥

अर्थ :-

त्रन तापन छुख चु गालवुन,
मूल चटवुन चु व्याधियन
कास मरु मरु ज़नमन हुन्द,
शुमरावतम मे हन हन
सूत्य गौरी यिता घरु म्योन
तन-मन छुसय अर्पण
शिव शंकर ही जटाधर
हरषेश्वर भगवन ॥



शिव महिम्नः स्तोत्रम्

ॐ महिम्नः पारंते परमऽविदुषो यद्यऽसदृशी
स्तुतिर्ब्रह्मादीनामपि तदवसन्नास्त्वयि गिरः ।

अथाऽवाच्यः सर्वःस्वमतिपरिणामावधि गृणन
ममाप्येषस्तोत्रे हर निरपवादः परिकरा ॥१॥

अर्थः -

छुरव परापर अमरीश्वर

बेअन्त छि चअनि महिमा

वेष्णूब्रह्मा गयि हर्षस

दस्त-बस्त छिय चे देवता,

बोद्ध कोत वाति चान्येन गोणन

क्या वखनय बु लीला


अडु कलि वचन यिम कँह बु परअ

दयेव बनि चअनि तुता

सूत्य गौरी यिता गरअ म्योन

तन मन छुसय अर्पण ॥

ही संसारकि सर्पश्रेष्ठ पूजनीय तु शेहजार
 दिनअ वालि म्यानि सदाशिवु चअनि महिमा छि
 हद रोस्त तु तथ ह्योक नु काँह सनेर मीनिथ ।
 चानि बजिरअच व्यखनय करान करान बास्याव
 महाक्षानी ब्रह्मा जियस तु विषणू जियस ति जि
 चअनि तोताह ग्यवि ग्यवि ति ह्यकय नु तिम
 चअनिस बजरस तु गनिरस सनिथ । यिथ पअठि
 छिई च्य प्रथ काँह पननि पननि बुद्धि हंदिस
 हदस अंदर पूजा करान तु योदवै तिम पननि
 भवति मँज पअजि आसान । चु छुख तिहिनदयेन
 अडुफुटेन वचनन अरव्शान ! इसलिए ही महादेव
 पननेन अडुफुटेन वचनन मँज छुस बु ति कूशिश
 करान जि चअनि तोताह करहआ मयानि
 आध्यात्मिक अज्ञानु किनुय छुनु यि पूण क्याजिकि
 बु छुहअस संसारक्येव गअयिलयेव मोरमुत ।
 तोति करिजि चअ में क्षमा क्याजिकि मे छु
 मनस मँज पोज भाव ।।।।।



अतीता पन्थानं तव स महिमा वाङ्म्वसयो
रतद्व्यावृत्त्यायं चकितम्भिधते श्रुतिरपि ।

स कस्य स्तोतव्यः कतिविधगुणः कस्य विषयः
पदे त्वर्वाचीने पतित न मनः कस्य नवचः ॥२॥

अर्थः -

चोन बजराह छु हदु रोस्तुय
पिलि कोत बोद्ध तु वअणी
वीद यथ नअ वअतय सार लबनस
खूचि खूचि त्वथ ग्यअवअनी
आश्चर्य छुख च शिवु अनकाह
बेरंगु रंग छि वरनण
सूत्य गौरी यिता गरअ मयोण
तन मन छुसय अर्पण ॥

ही महादेवु चान्येन गोमन हन्ज वरवनय
करान करान खूचि वीद ति, तु तोति दयुतुख नु
पूर वर्णन जि चु कयुथ छुख । चोन स्वरूप
ह्योक नु वुछिथ तिमव पूरअ सनिरस मँज कयाजि
यिम चे मँज गोण छिय, तिम छि अन्तुरोसतई तु
कअत्याहन गोणन ताम वाति कअँसि हन्ज बोद्ध
तु वअणी । चअनि गोण छि तमि स्वरूपअकि
वचनन हंदिस हदस मँज हयेकन नु तिम यिथ ।
वचन किथु वनन चअनिस अमृत स्वरूपस ।

इसलिए ही अमरेश्वर चु द्राख ला मेहदूद
मँज नयेबर त चारव महदूदकिस हदस मँज, योर
कुन प्रथ भक्तिस गव जुोन् तु ह्यअचख चान्येन
पादि कमलन पूजाह करजिनय ॥२॥



मधुस्फीता वाचः परममृतं निर्मितवत
स्तवब्रह्मन् किं वागपि सुरगुरोविस्मयपदम् ।

मम त्वेतां वाणीं गुणकथनपुण्येन भवतः
पुनामीत्यथेऽस्मिन्पुरमथन बुद्धिर्व्यवसिता ॥३॥

अर्थः -

ब्रह्मवअनी सार ज्ञानअच

माँछि खोतअ मोदुर आसान

छिनअ वातान चान्येन गोणन

जॄन तति तिम अन्जान

मूढअ भावु शिवु गोण बु वरवनान

दयेय शोद्ध बनन अन्ताकरन

सत्य गौरी यिता धरअ मयोन

तन मन छुसय अर्पण ॥

ही बेअन्त अमरेश्वर संसारस अन्दर युस
 सारिवई ख्वतअ मोदुर तं मीठअ ब्रह्म सन्ज वअनी
 छि, ही दयि चानि बजैरूक वोन्त लभनस मँज
 गोण गयवनस मँज गयि हअिर हअिर तु दोपुरव
 जि चअनि महिमा छि बेअन्त । सदाशिव बु छुस
 अख मूद तु बअ क्याह वखनय चोन बजर ।

वोजि गोव जि यि ति केछाँह बु वुनिकयेन
 भावु किनि व्यखनय छुस करान, देयवु मे
 अँतःकर्ण, बुद्ध तु वअणी शोद्ध सपदन ॥३॥



कामस क्रोधस आयुत करव

लूभस मुहस लार

अँहकारस लाकम करव

दयव लागि भवसर तार ॥

(पोशि मोत)

तवैश्वर्यं यत्तज्जगदुदयरक्षाप्रलय कृत्
 त्रयीवस्तु व्यस्तं तिसृषु गुणभिन्नासु तनुषु ।
 अभव्यानामस्मिन्वरद रमणीयामरमणीं
 विहन्तुं व्याक्रोशीं विदधत इहैके जडधियः

॥४॥

अर्थ :-

त्रेयि गुणु छुख रूप दअरिथ
 वीदन मँज च टाकार
 चई कर्ता चई बरता
 जगि चई करान संहार
 हयेनअ आस मँज बकवासस
 मूरवु बोज छुम मे मोहन
 सूत्य गौरी यिता गरअ मयोन
 तन मन छुसय अर्पन ॥

ही संसारकि स्वामियि वीद छिई च्य त्रेनवनी
 गोणन हुन्द सार मानान । लेखान छि जि चई
 छुख बुतराथ सअरीय वोपदावान, पालान तु
 पानुसीय मँज लय करान । चई छुख त्रेन भवनन
 हुन्द स्वामी तु हनि हनि मँज छय चअनि शफकत,
 तु काँह शय छे नु च्य निश ब्येन ।

वोत्रि गव जि मूर्ख बोजु मयानि कति दियि
 यि प्रेरणा जि मायायि हनदयेव बंदनव निशा
 छयनु गछिथ पकु हअ बूअ चअनिस तत्स्वरूपस
 कुन ॥४॥



आदि प्रभातस तन मननावव

लारव गनपतयार

मूलाधारन ध्याना धारव

दयव लागि भवसर तार ॥

(पोशि मोत)

किमीहः किंकायः स खलु किमुपायस्त्रिभुवनं
 किमाधारो धाता सृजति किमुपादानमिति च ।
 अतर्क्यैश्वर्ये त्वय्यनवसुरदुःस्थो हतधियः
 कुतर्कोयं कांश्चिन्मुखरयति मोहाय जगताम ॥५॥

अर्थ :-

कमि मसालु स्रूत्य कुस विधाता
 यथ जगतसं छु वोपदान
 शक सपदान गाटल्येन छुय
 रादु होंज वअनि तथ दिवान
 वाति कोत अकल तथ बजरस
 मुहु किनि बकवास करान
 स्रूत्य गौरी यिता गरअ मयोन
 तन मन छुसय अर्पण ॥

ही त्रिनेत्र धारवअनि मयानि टाठि त्रिलोचन,
 कम कम गाटलय छि पयवान शकस मँज तु
 सूंचि-सूंचि छि भ्रम किनि शकन मन्ज गछान
 जि कमिसना मसालु सूत्य कुस सना पायि बोड
 छु यथ सअरिसई बुतरअच बनअविथ पकुनावान।
 अकल छि पोत हयेवान तु वनु वनु छि सिर्फ
 बकवास बासान ति क्यजि यि सोरई छु बासन
 जि यि छु सानि सोंचि तु अकलि नयेबर ॥५॥



अन्दरीय पानस अन्दर अचव
 छारोन सु निराकार
 वन्य अस्य ज्ञान पानस करव
 दयव लागि भवसर तार ॥

(पोशि मोत)

अजन्मानो लोकाः किमवयववन्तोपि जगतां
 मधिष्ठातारं किं भवविधिरनाहत्य भवति ।
 अनीशो वाकुर्याद्धिवनजनने कः परिकरो
 यतो मन्दास्त्वां प्रत्यमरवर संशेरत इमे ॥६॥

अर्थः -

केंचन छु शक किथु वोपदान
 ब्रह्माण्ड छु टाकार ज़न
 केंह सोंचान त्रेनवय भवन
 आसवन्य छि जन्मु निश बयेन
 क्याह सामान दयि दोरूथ
 येमि स्रूत्य सृष्टि गयि नअनय
 स्रूत्य गौरी यिता गरअ मयोन
 तन मन छुसय र्पण ॥

ही अमरेश्वर केंह छि पननि कम अकिल
 किनि चअनिस वजूदकिस आसनस पयेठ शक
 करान । यि छि तिम अवुकिनि करान तिक्याजि
 तिमन छुनु येमि जगतकि आगरूक पताह लगान ।
 गाहे छि तिम सोंचान जि यि ब्रह्माण्ड किथु
 आसि चानि स्रूत्य वोपदयोमुत । तु गाहे छि यि
 सूचिथ पानस तसल्ली दिवान जि सोरूय ब्रह्माण्ड
 छु जन्मअ रोस्तुय तु इसलिए छुनु अमिकिस
 पअदु करनस वअलि सुन्द काँह वजूद ।

यिथ पअठि छि तिम मअशरावान जि यिथिस
 क्रीठिस तु मोदरिस संसारा बनावन वोल छुनु च्य
 सिवा काँह ॥६॥



गुरू वाक्यन प्यठ थ्यर असि थावव

चलि दूर मूह अन्धकार

ऊँ शिव शंकर शब्दा स्वरव

दयव लगि भवसर तार ॥

(पोशि मोत)

त्रयी सांख्यं योगः पशुपतिमतं वैष्णवमिति
प्रभिन्ने प्रस्थाने परमिदमदः पथ्यमिति च ।

रूचीनां वैचित्रायाहङ्गजुकुटिलनानापथजुषां
नृणामेको गम्यस्त्वमसि पयसामर्णव इव ॥७॥

अर्थ: -

वतअ कअचाह चारि ज्ञानियव
भक्ति सारवय योगसाधन
कैह पूजान शिप नावस
केह वेष्णअ रूपस गयि शरण
च्यई मैज गयि लय अअरवर
नदी नालस यिथु समंदरस
सूत्य गौरी यिता गरअ मयोन
तन मन छुसय अर्पण ॥

ही लछि नावि पननि अंदि पऊक तु पननि
 अंदरिमि नादु हिसाबु चारि चान्यव भक्त्यव च्य
 तानि वातनऊचि ब्योन ब्योन वतअ। कँहन गयि
 यूगस स्रूत्य प्रय तु कैचव रऊट सँख्य या साधना।
 मगर तिक्याजि संसारचि प्रथ शयि मँज छुख चु
 बिहति, इसलिये प्रथ काँह पूजि हँज वथ वअच
 च्यई ताम, यिथु पअठि नदी नालअ छि ऊइखरय
 समँदरस वातान ॥७॥



हरमोरव तसुन्दई रूप वुछव
 वथ तमिसीन्ज हरिद्वार
 नमस्कारकिस अर्थस सनव
 दयब लागि भवसर तार ॥

(पोशि मोत)

महोक्षः खटवाङ्गं परशुरजिनं भस्म फणिनः
कपालं चेतीयत्तव वरद तन्त्रोपकरणम् ।

सुरास्तां तामृद्धिं विदधति भवद्भूषणहितां
नहि स्वात्मारामं विषयमृगतृष्णा भ्रमयति ॥४॥

अर्थः -

चोन गअहनय छु भस्मा तबर
वासुक कपाल मृगचर्म
बोड दांदाः बेयि मोहला
अर्थ काम मूक्ष रूप धर्म
चोन अनुग्रह वेशियन चटिथ
सोरव तु आनन्द छु बरवशान
सूत्य गौरी यिता गरअ मयोन
तन मन छुसय र्पण
शिव शंकर ही जटाधर
हरषेश्वर भगवन ॥

ही म्यानि पजरु चानि रोज़नुक तरीकु छु
 बासनावान जि चु छुरव पजरूक आगुर । चानि
 अकि इशारअ सूत्य छि दिवताहव बऊिड बऊिड
 राज तु ऐश्वर्य प्रअविमऊित मगर पानअ छुरव चु
 यिमव ऐश्वर्यव निशि ब्यन । च्य छिई संसारऊिक
 मुह मायायि हंदि हथियार त्यअगिथ तिमु गऊहनु
 अपनअविमऊित यिमव सूत्य चु पानुसई मँज
 परिपूर्ण छुरव सपदान । बोड दांदाह, तबर मुहुल
 स्अह मुसलअ इंसानअ कलअ छिई च्य शूभरावान
 च्य छुई नु काँह आडम्बर ह्यकान ब्रमरिथ
 क्याजिकि चु छुरव पानस मँज मगन आसान युस
 जनु साक्षात पारब्रह्मपरमेश्वर छु ॥८॥



रिन्दअ यली सारी जिन्दय मरव
 सुय गव साचातकार
 माययि कअदस बर यल करव
 दयव लगी भवसर तार ॥

(पोशि मोत)

ध्रुवं कश्चित संर्व सकलमपरस्तु ध्रुवमिदं
 परो ध्रौव्याध्रौव्ये जगति गदति व्यस्तविषये ।
 समस्तेऽप्येतस्मिन् पुरमथन तैर्विस्मित इव
 स्तुवन्जीह्रेमि त्वां न खलु ननु धृष्टा मुखरता


॥११॥

अर्थ: -

केंचव सत केंचव असत
 जोन आगरूक व्यवहार
 यूग साधपायि केंह मअनिथ
 केंह माया संसार
 रंगु-रंगु व्यखनय कअरय कअरय
 गयि सअरीय हअरान
 सार कति लबन अथ सनिरस
 पिलि कोत तोत गाटुजार
 शमंदु छुस बति वनु क्याह
 मूदु भावु तोता करान
 स्रूत्य गौरी यिता गरअ मयोन
 तन मन छुसय अर्पन । ।

ही असुर संहारक, बु ओनहस संसारस
 मतुलिक ब्योन ब्योन व्यखनयव आवलनिस मँज
 हेनअ । केह छिम वनान जि संसार छु कीवल
 तमि ताकतुक फल युस न जाँह ति खतम छु
 गछान तु इसलिए छु संसार ति न खतम गछन
 वाजनय शय । तु केह छि वनान जि यि संसार
 छु कीवल केचँन चिह्नन हुन्दुय तमाशा ।

ही दयि यीच कथ बुजिथ ति छुस बु पननिस
 बकवासस मँज चकिन तवोथ गयेवान । यि छुनु
 मयकिन बहुदुरी तु अदु क्याह छि ॥१॥



न छोडो घर, न बूलों हर
 कर्म कर जिन्दगानी में
 रहो दुनिया में यूँ, जैसे कवल रहता पानी में ॥
 (पोशि मोत)

तवैश्वर्यं यत्राद्यदुपरि विरिच्चो हरिरधः
 परिच्छेत्तुं यातावनलमनलस्कन्द वपुषः ।
 ततो भक्तिश्रद्धाभरगुरु गृणदम्याँ गिरिशयत्
 स्वयँ तस्थे ताभ्याँ तव किमनुवृत्तिर्न फलति

॥१०॥

अर्थः -

लोभ न वोंत यथ ब्रह्म विष्णु
 हेरि बोनअ फीरिथ आय
 तथ स्वरूपस गुलि गंडि - गंडि
 बेबस च्यई शरण आय
 यी छु निर्णय चानि तोतायि
 ज्ञान दिचिथ सनमोख तिमन
 स्रूत्य गौरी यिता गरअ मयोन
 तन मन छुसय अंपण
 शिव शंकर ही जटाधर
 हरषेश्वर भगवन ॥

ही भक्तिवतसल च्य ताम छु सुई वातान
 युस भावु सृत्य तु लोलअ सान चऊिन पूजा
 करि। तु युस अहंकार तु गरूर सृत्य चे कुन
 यियि तमिस छुख न चु खोश गछान । येलि
 अकि विजि ब्रह्मजियस तु विषनू जियस बास्येव
 पनुन पनुन पान अख अकिसंदि खोतअ बोड ही
 शिव चु गोख अकिस ज्योति लिंगस मँज प्रकट
 त विष्णु ब्रह्मा दोशिवनियव हयोक नु चोन सेनर
 मीनिथ तु गुलि गंडि-गंडि करुख चअनि तोताह ।
 तमि नम्र पूजि इन्द फल दयुतुथ तिमन यी जि
 चु गोख तिमन बोंठ कनि प्रकट तु
 कअरनअविथरव पनऊिन ज्ञान । यिथु पअठि
 होवुथ जि चानि पूजि इन्द दोयिम नाव छु प्रेम
 तअ भाव ।।।०।।




अयत्रादासाद्य त्रिभुवनमवैरिव्यतिकरं
 दशास्यो यद्वाहूनभृत रणकण्डूपरवशान् ।
 शिरः पद्यश्रेणीरचितचरणाम्भोरुहबलेः
 स्थिरायास्त्वदभक्तेस्त्रिपुरहर विस्फूर्जितमिदम्

॥१११॥

अर्थ: -

चानि भखअच स्रूत्य बल प्रअविथ
 शोथुर गअलि राज रावनन
 राज कोर तमि संसारस
 येलि तन मन गोय शरण
 कलु चअटि चअटि करिनि अर्पन
 चानि पूजि स्रूत्य गव मगन
 स्रूत्य गौरी यिता गरअ मयोन
 तन मन छुसय अर्पण
 शिव शंकर ही जटाधर
 हरषेश्वर भगवन ॥

ही त्रिपुरहर शिव राजअ रावनन अअस
 सअरीय राजअसी तअ सअरीय बहुदरी तेलि
 प्रअवमअच येलि सु ओस पननेन कलन हन्ज
 माल बनअविथ च्य पूजा करान । तमि सँऊज
 अथ महान पूजायि गोख चु बडअ खोश तअ
 तमिस दयुतुथ च्य अभय रोजनुक वरदान ।।।।।



अमुष्य त्वत्सेवासमधिगतसारं भुजवनं
 बलात्कैलासेपि त्वदधिवसतौ विक्रमयतः ।
 अलभ्या पातालेऽप्यलसचलितांगुष्ठशिरसि
 प्रतिष्ठा त्वय्यासीद्ध्रुवमुपचितो मुह्यति खलः


॥१२॥

अर्थ :-

बोज़ बलु स्रूत्य तऊिम रावनन
 यलि अरअ कोर परवतन
 अहंकार किनि तऊिम पृथवी
 खवोरु नयोठु स्रूत्य अलरन
 गोरव क्रोधस वोलथन मदु
 लअब न जाय तमि पातलयेन ।
 स्रूत्य गौरी यिता गरअ मयोन
 तन मन छुसय अर्पन
 शिव शंकर ही जटाधर
 हरषेश्वर भगवन ॥

ही महादेवु! रावणन योदवय अऊस सअरीय
 राज़ुसी तु वीरता चानि पूज़ि सूत्य प्रअवमच,
 तोति गव सु अहंकारस तु अलुरन ज़मीन ताकि
 सु वालि हे कैलास पर्वत पननिस राज़स मँज़, तु
 करऊन ज़मीन अलरनच कूशिश ताकि तमि
 सँज़ि वीरतायि रोज़िहे नु काँह शरीक तु संसारस
 मँज़ आसिहे तमिस जय-जय कार, मगर तमिसुन्द
 यि घमण्ड वुछिथ छुनथन खोर नयोठु सूत्य
 पाताल लूकस, तति ति मेलिहे नु तमिस जाय
 योदवय नु चु तमिस पयेठ दया करअहअख।

ही शिवु यिथु पअठि दयुतुथ चे हअविथ ज़ि
 कूताह बोड अअसितन पननि भक्ति मँज़ काँह,
 अहंकार छु तमिस सअरिसई प्रअविमतिस लुरअ
 पार करान।।१२।।



यहद्धिं सुत्राम्णो वरद परमोच्चैरपि सतीम्
अधचक्रे बाणः परिजनविधेयत्रिभुवनः ।


न तत् चित्रं तस्मिन् वरिवसितरि त्वच्चरणयो
र्नकस्याप्युन्नत्यै भवति शिरसस्त्वय्यवनतिः ॥१३॥

अर्थ :-

बाणस्वरणई इन्द्र पदवी
चानि वैभव जीनिनय
पादि सीवन बऊर तऊिम
चअनि त्रेयलूकी प्रुवन
आशितोष छुख नुनि पअठि चई
शिव भक्तयेन टोठन
सूत्य गौरी यिता गरअ मयोन
तन मन छुसय अर्पन
शिव शंकर ही जटाधर
हरषेश्वर भगवन ॥

ही आशितोष ! च्छु छुख शिव भक्त्येन
 नअनि पअठि टोठान तु तिम छि प्रथ काँह
 सम्पदा कीवल चोन पादि सीवन करनु स्रूत्य
 प्रावान। बानास्वर ओस त्रेन जगaten हुन्द मअलिक
 तु तमि सँज सम्पदा अअस इन्द्राजनि खोतु ति
 जयादअ। यि सोरई ओसुस तेलि येलि तमिस
 ओस चान्यन पादन हुन्द राग यिथु पअठि सु
 कुस ऐश्वर्य छुनु युस नु चानि भक्ति स्रूत्य छि
 भवउत्त प्रावान, सु ऊअसितन आध्यात्मिक
 सम्पदा या संसारच सम्पदा ।

ही दयि। यी चीनिथ छुसस बु चान्यन पँकज
 चरणन शरण गाछिथ साष्टाँग डण्डवत प्रणाम
 करान॥१३॥



अकाण्ड ब्रह्माण्डक्षयचकितदेवा सुर कृपा
विधेयस्यासीद्यस्त्रिनयन विषं संहतवतः ।

स कल्माषः कण्ठे तव न कुरुते न श्रियमहो
विकारोपि श्लोध्यो भूवनभयभङ्गव्यसनिनः ॥१४॥

अर्थ :-

ही त्रेअम्बकु येलि राक्षस तु दीव
स्वूचि सअरीय तु आयि शरणीय
पननि अथु चयोय जहर पयाला
करुथ दया चेय शरणीय
नीलकण्ठ पयोई नाव अदु चेय
मँज हटिस कोरुथ दारण
सूत्य गौरी यिता धरअ मयोन
तन मन छुसय अर्पन
शिव शंकर ही जटाधर
हरषेश्वर भगवन ॥

ही त्रेअम्बकु मयानि ईशानु । येति समन्दर
 मँथन विजि द्राव समन्दरु मँजु बाकियन रतनन
 तु जवअहिरन सूत्य ज़हर ति, तु सु ह्योक न
 राक्षिसव तु देवताहव स्वीकार करिथ। मयानि
 पासि बडि यि छु चोनुय बज़र जि चे थविथ
 पनुनय टअठय अमि ज़हर निश दूर तु चयोय यि
 पानय। अमि ज़हररूक नयूल निशानअ छुय चे
 मँज हटिस, युस ज़न स्येठा शूभिमान छु लगान।
 ही महादेव! युस सम्सारस भय तु व्यअधियन
 निश मोकलावनुक प्रयत्न छु करान, तमिसुँद
 प्रथ काँह चीज़ छु गाह त्रावान तु शूभान।

यिथु पअठि छु चोन नीलकण्ठ नाव ति
 सअरिसई ज़गतस सहायक बनिथ सारिनई खोश
 यिवान ।।।४।।



समय का सदुपयोग



करो

असिद्धार्था नैव कचिदपि सदेवासुरनरे
 निवर्तन्ते नित्यं जगति जयिनो यस्य विशिखाः ।
 स पश्यन्तीश त्वामितरसुरसाधारणमभूत्
 स्मरः स्मर्तव्यात्मा नहि वशिषु पथ्यः परिभवः ॥१५॥

अर्थ :-

युस राक्षिसन तु बेयि दीवन
 कामदीव तीर लायन
 कोरथन भस्म अकि कटाक्षअ सूत्य
 युस प्रथ ज़ीवस ब्रमरन
 सुति आव शरण पयोय पादन
 गोस अनुग्रह तु शोद्ध मन
 सूत्य गौरी यिता गरअ मयोन
 तन मन छुसस अर्पन
 शिव शंकर ही जटाधर
 हरषेश्वर भगवन ॥

ही सारिर्नई मँज वास करन वालि भगवानु।
 चेय कोरथन सु कामदीव भस्म येमि सँदि ज़ालु
 तलअ छुनअ काँह हयेकान नीरिथ। सु कामदीव
 छु दिवताहन मनुष्यस तु राक्षिसन पूरअ पअठि
 भ्रमरन मगर चेय पयेट गोई नु तमिसुन्द काँह
 असर।

चे हिविस यूगियस कुन काँह अनादरच नज़र
 छि यिथु पअठि चेय कामदीव कोरथन ।।।५।।



मही पादाघाताव्रजति सहसा संशयपदं
 पदं विष्णोभ्राम्यदभुजपरिघरूग्णग्रहगणम् ।
 महुर्धौदोस्थयं यात्यनिभृतजटाताडिततटा ।
 जगतद्रक्षायै त्वंनटसि ननु वामैव विभुता ॥१६॥

अर्थ: -

सक सपदान माजि बुतरअच
 येलि पादु जूरि छरव अल्लन
 भुज चाने नभु मडँलस
 आश्चर्यस मँज छि त्रावन
 चानि जटु शिवु स्वर्ग चक्र पअठि
 रक्षायि हनदि छि साधन
 स्रूत्य गौरी यिता गरअ मयोन
 तन मन छुसय अर्पन
 शिव शंकर ही जटाघर
 हरषेश्वर भगवन ॥

ही संसारकि रक्षिपाल येति अकि राक्षिसन
 कहर यि कामना जि संसारूक संहार गोछु गछुन
 च्य योछुथ जि सअ कामना पूरअ गछनऊच
 वेलअ गअछु टलअिनय । इसलिए कोरूथ च्य
 पृथ्वी प्येट त्युथ नृत्य जि चान्येन पादन हंजि
 अलरनि स्रूत्य कांपेयि पृथ्वी तु बास्योस जि तसुन्द
 अन्त छु नजदीक ! चानि बोजन हंदि बल स्रूत्य
 कांपेयि त्रेनवय जगत तु चानि जटअ बनेयि
 स्वर्गऊक चक्र ही । ही ईश्वरु चानि अमि नृत्य
 स्रूत्य कांपेयि सअरी जगत मगर अभी स्रूत्य कअरथ
 च्य जगि हऊँज रक्षा तिक्याजि तमिस असुरस
 वादु पूरअ करनऊच वेल करअथ च्य लय पननिस
 नृत्यस मँज येमि विजि समयुक संहार ति गव
 केँचस कालस खऊत्र ॥१६॥



वियत् व्यापी तारागणगुणितफेनोद्गमरूचिः
 प्रवाहो वारां यः पृषतलघुदृष्टः शिरसि ते ।
 जगद्धीपाकारं जलधिवलयं तेन कृतमि
 त्यनेनैवोन्नेयं धृतमहिम दिव्यं तव वपुः ॥१७॥

अर्थः -

नबुसीय प्यठ दृव मण्डल
 पोस सदरूक छु शूभान
 जल सोरई अरव कतराह
 जगि मन्ज बूद सपदान
 अथ कतरस अंदि - अदि जगत
 गतुरेनि हंदि गथ करन
 सूत्य गौरी यिता घरु मयोन
 तन मन छुसय अर्पन
 शिव शंकर ही जटाधरु
 हरषेश्वर भगवन ॥

ही गंगाधरअ सानि रक्षिपालु च्य छुथन
 पनिन्येन जटन मँज सो गंगा धारण कऊरमच
 योसअ सर्वगलोकु प्यठु वसिथ छि यथ सअरिसीय
 संसारस मँज व्यापत गअमऊच । यि सोरई सागर
 छु त्यूत शूभिदार तु बोड जि द्रुव मँडल तारख
 छि अथ प्येठ अभ्युक पोय हू बासान । ही
 भगवानु । चु कूताह सना बोड आसख तिक्याजि
 अमि सारे सदरूक पोन्न्य छु चअनिस शेरस प्येठ
 केवल अख कतराह बासान ।

ही परमेश्वर । अमि बडि सदरूक छुख चु
 आगुर तु चु कूताह सना पायिबोड आसख पानुयी
 सूंचिथ छि बोद्ध आश्चर्यस गछान ॥१७॥



रथः क्षोणी यन्ता शतधृतिरगन्दो धनुरथो
रथाङ्गे चन्द्राकौ रथ चरणपाणिः शर इति ।


दिधक्षोस्ते कोऽयं त्रिपुरतृणमाडम्बरविधि
विधेयैः क्रीडन्त्यो न खलु परतन्त्राः प्रभुद्विया

॥१८॥

अर्थः -

चोन रथ छि पानु पृथ्वी
यथ सियि चँद्रम छि चखुर
सारथी तथ छु पानु ब्रह्मा
छस कमान पर्वत ज़न
पानु भगवान खेलु करवुन
ही शिवु आसय शरण
सूत्य गौरी यिता धरु मयोन
तन मन छुसय अर्पन
शिव शंकर ही जटाधर
हरषेश्वर भगवन ॥

ही प्रलयँकर । येलि चु द्राख असुर तारकु
 संदयेन त्रेन भगवन नाश करनि, च्य बासे यी
 तिमु त्रय भवन कीवल अख धासु तुला । ही
 भगवान । पृथ्वी ऊअसई च्य पानु रथ तु सियि
 तु चँद्रम ऊअसी चे तमिकि चखरु । ब्रह्मा जी
 ओस तथ चलावनवोल तु पहाड़ ओसई चानि
 कमानि हुन्द तीर । ही भगवान येलि च्य बासेई
 यि सअरई अख मोमूली कथ त्यलि कऊमु खेल
 छुख चु यिमन हथियारन सूत्य करान । निःसन्देह
 छुख चु अकिस जीवस बासनावान जि शिव छु
 प्रथ अकिस मँज । जीव सुन्द शरीर छु तमिसुन्द
 रथ यम्युक रक्षबाण छुस मनरूपी ब्रह्मा जुनयेथर
 छिस सियि तु चन्द्रम । ही भगवानु पननि पानुच
 ज्ञान कमि मेछर छुख दिवान चु पनुन्यव खेलव
 सूत्य ॥१८॥



हरिस्ते साहस्रं कमल बलिमाधाय पदयो
 र्यदेकोने तस्मिन् निजमुदहरन्नेत्र कमलम् ।
 गतो भक्तयुद्रेकः परि नतिमसौ चक्र वपुषा ।
 त्रयाणां रक्षायै त्रिपुरहर जागर्ति जगताम् ॥१९॥

अर्थः —

सास पोश ऊअनि पानु विष्णन
 पूजि करिनय च्य अर्पण
 अख पोश शिवु चूरि थोवथस
 ऊअछ कऊडन तु कऊरन अर्पण
 रव्वश गोख शिवु अथ भक्ति
 तस बखशुथ च्य त्रिभुवन
 स्रत्य गौरी यिता धरु मयोन
 तन मन छुसय अर्पण
 शिव शंकर ही जटाधर
 हरषेश्वर भगवन ॥

ही भक्तिवत्सल सानि स्वामी । विष्णू भगवान्
 ओसुय योहय सास पोश लअगिथ चऊनि पूज
 करान । विष्णू जियिनय भक्ति अजमावनु खुत्रअ
 न्यूथ च्य तस अख पोश चूरि मगर तऊिम कऊड
 पनऊिनय अख अछ तु कअरनय च्य अर्पण ।
 ही कृपालु भगवानु अथ पजि भक्ति प्येठ गोख
 चु तमिस स्येठाह रव्वश तु बखशुथस सुर्दशन
 चक येमि सूत्य सु यथ संसारस छु रक्षा करान ।

ही शिवु । यिथ पअठि येति चु प्रलयँकर
 छुरव तति छुरव च पनन्यन भक्तिेन हँज्ज
 भावनायन हँऊज रअछ करान ॥१९॥



ऋतौ सुप्ते जाग्रत्त्वमसि फलयोगे ऋतुमतां
 कर्म प्रध्वस्तं फलति पुरुषाराधनमृते ।

अतस्त्वां उत्प्रेक्ष्य ऋतुषु फलदान प्रतिभुवं
 श्रुतौ श्रद्धा बद्धा दृढपरिकरः कर्मसुजनः ॥२०॥

अर्थः -

मँज यज्ञिनयेन छुरव चु वरदा
 पानु बरवशान सम्पदा
 पजि भावनायि हुम कऊरि - कऊरि
 छी च्य पूजान सर्वदा
 वीद पअरि पअरि बजि श्रद्धायि
 छी च्य पूजान पजि मन
 स्रुत्य गौरी यिता धरु मयोन
 तन मन छुसय अर्पण
 शिव शंकर ही जटाधर

ही हरपेश्वर भगवान ॥ रकित-रकित
फल बरवशन त्रालि मयानि भगवानु । मैज यज्ञन्यन
छुख चु पानअ फलदायक । योदवय नु हुम
कऊिर कऊिर आसि चऊिन पूज करअमच त्येलि
छु यज्ञनुक फल प्रावुन नामुमकिन ।

इसलिए चोन बजर जऊिनथ छि ही परमेश्वर
भक्तिय च्य कुन पजि भावु सूत्य यज्ञ करान तु
वीद वनिथ तअ पऊिर पऊिर च्य प्रसन्न करान
॥२०॥



बँजर अऊयितन कुताह ब्यूठ
मंजिल अऊसितन कूताह कठ
हिमत क्या मानि ब्यूठ तय कठ
हिमति सूत्व बनान टेठवन म्यूठ ॥

क्रियादक्षो दक्षः क्रतुपतिरधीशस्तनुभृता
 ऋषीणम् आर्त्विज्यं शरणद सदस्याः सुरगणाः
 क्रतुभ्रंशस्त्वत्तः क्रतुफलविधानव्यसनितो
 ध्रुवं कर्तुः श्रद्धाविधुरमभिचाराय हिमखाः ॥२१॥

अर्थः -

येति यज्ञ कोर दक्षिराज्जन
 भावु रोस ओस सु यज्ञमन
 तथ यज्ञनस गव सँहार
 येति देवेन्द्र ऊअसि सभागण
 नाश सपदान तु, वुलटु फल दिवान
 येति नु भाव आसि करित्येन
 स्रूत्य गौरी यिता धरु मयोन
 तन मन छुसय र्पण
 शिव शंकर ही जटाधर
 हरषेश्वर भगवन ॥

ही मंगलदायक भगवानअ । येति चु छुख
 यज्ञन्येन हुन्द फलदायक तअति छुख चु तिमन
 यज्ञन्येन नाश ति करान यिम मँज नु करन
 वाल्येन पोज भाव आसि भक्ति रोस्तुय यज्ञ करन
 वाल्येन छुख चु वुलटु फल दिवान तिक्याजि च्य
 छय तमि मनऊच प्रय यथ मँज लोल तु ऊअरचर
 आसि । च्य कोरूथ दक्षिराजनिय तथ हवनस
 नाश येति पानु ब्रह्माजी नारायण देवता तँ ऋषि
 अअसि शमूलियतस करान तिक्याजि दक्षिराजन
 ओस सू हवन चानि लोल रोस्तई कोरमुत ।

ही दयि । चु छुख कियायन हुन्द आडम्बर
 अपोर तरिथ पजिस लोलस आसान वऊिन
 दिवान ॥२१॥



प्रजानाथं नाथ प्रसभमभिकं स्वा दुहितरं
 गतं रोहित भूतां रिरमयिषुमृष्यस्य वपुषा ।
 धनुष्पाणेयांत दिवमऽपि सपत्राकृतममुं।
 त्रसन्तं तेऽधापि त्यजति न मृगव्याधरमसः

॥२२॥

अर्थ: -

बूज कन्यायि येलि ब्रह्म कामनायि
 मनु किनि गयि मूहन
 जनु रूसिकिस तथ ब्रह्म मनुसई
 शिकअरय बनिथ तीर लोयथस
 सूत्य गौरी यिता गरु मयोन
 तन मन छुसय र्पण
 शिव शंकर ही जटाधर
 हरषेश्वर भगवन ॥

ही यूगीश्वरु । येलि ब्रह्मकामनायि रूपी मनस
 पतु पतु ऊअस बोज़ रूपी मअसूम कूर दोरान चु
 बनयोरव अरव बडि पायुक शिकऊरय तु तथ
 मनुचि अस्थिरतायि लोयुथ तीर तु कोरथन मन
 पननिस वशस मँज । ही ईश्वर चअनिस अथ
 स्वरूपस कुन वुछिथ छु आकाशस प्येठ बिहिथ
 ब्रह्मालियस ति खोफ बासान ।

च्य रव्वतु छु नु काँह बोड तु चु ह्लोकनरव
 नु कँअसि पननि गाटजार किनि पननिस वशस
 मँज करिथ तिक्याजि प्रथ कुनि व्रच हुन्द छुरव
 चई स्वामी ॥२२!!



ॐ नमः शिवाय

अर्पूव लावणयं विवसनतनोस्ते विमृशतां
 मुनीनां दाराणां समजनि स कोपव्यतिकरः ।
 यतो भग्ने गुह्ये सकृदऽपि सपर्या विधदतां
 ध्रुवं मोक्षोऽश्लीलं किम् अपि पुरुषार्थं प्रसविते


॥२३॥

अर्थः -

मन हरनवुन स्वरूप डीशित
 गयि ऋषि बायन चेष्टा
 करनि लङ्गिग तिम पूज लिंगसई
 अदु गयरव पूरअ कामन
 सुई शिवु लिंग युस पूजान
 स्यद गछान तस कामन
 सूत्य गौरी यिता धर मयोन
 तन मन छुसय अर्पण
 शिव शंकर ही जटाधर
 हरषेश्वर भगवन ॥

ही मनहरवनि तु लूभवनि शिव शंकर ।

चोन अडॅफोल गाश हू अमृतमयी स्वरूप वुछिथ
 गयि ऋषिबायि ति च्य प्येठ मूहिथ । चऊनि
 स्मरण करनु खअत्र कऊर तिमव चअनिस लिंगस
 पूजा येमि पतु ढँ प्रकट गोख तु दयुतथख वरदान
 जि चानि लिंगऊच पूजा करनु सूत्य गछि प्रथ
 मनोकामना पूरअ ॥२३॥



स्वलावण्याशंसा धृतधनुषम अह नाय तृणवत्
पुरः प्लुषं दृष्टा पुरमथन पुष्पायुधमपि ।


यदि सैत्रणं देवी यमनिरत देहार्धघटना
दवैति त्वामद्वावत वरद मुग्धा युवतयः ॥२४॥

अर्थः -

मअज पारवती च्यई सनमुख
लोल नयेत्रव छय वुछन
लावि मूरे कामदीवस
अकि द्रष्टि गव भस्म
वर दायक कमु-कमु जनि
मूद भावु हासु व्यसरन
सूत्य गौरी यिता धरु मयोन
तन मन छुसय अर्पण
शिव शंकर ही जटाधर
हरषेश्वर भगवन ॥

ही पारवती हन्दि टाठि । जगत अम्बा मा
छि यथ भ्रमस मँजि सु छि चअनिस वाम बागस
मँज बिहित तु चु मा छुख तमि संदिस सौर्दयस
प्यठ मुग्ध गोमुत । मगर ही दयि चु छुख
परिपूर्ण सू ज्ञानुक प्रचण्ड युस विषय वासनायि
हँदटव जलकिर जालव निश न्येबर छु ।

ही दयि चु छुख तमि अविनाशी ताकतुक
आगुर यमि सूत्य च्य पानु कामदीव कोरथन
अकी नजरि सूत्य भस्म तु च्य क्याह भ्रमरी
काँह यछा तिक्याजि प्रथ काँह यछा छि चअनी
दास ॥२४॥



ॐ नमः शिवाय



शमशानेष्वाकीडा स्मरहर पिशाचाः सहचरा
 चिताभस्मालेपः सृक्अपि नृकरोटीपरिकरः ।
 अमङ्गल्यं शीलं तव भवतु नामैवमखिलं
 तथापि स्मर्तणां वरद परमं मङ्गलमसि ॥२५॥

अर्थः -

चानि गिंदनअच जाय शमशान
 भूत प्रीत संग च्चे आसान
 मुशकु बदलै भस्मा मलान
 कलु मालु नअलि त्रावान
 चअनि यी कीडा ही अभूर छय
 भक्तयेन सदा मँगल दिवान
 स्रूत्य गौरी यिता धरअ मयोन
 तन मन छुसय अर्पण
 शिव शंकर ही जटाधर
 हरपेश्वर भगवन ॥

ही पारवती हंदि टाठि । योदवय च्य जीव
 सनि पजि मनु सु लभि जि चु छुख पननि वंदन
 तु पनन्यव कीडायव सूत्य क्रूठ पजर फिकरि
 तारान । चानि गिन्दनच जाय छि शमशान तु
 चऊिन संगी सअथी छि भूत प्रीत । चु छुख
 मुशकु बदलु तनि भस्म मलान ताकि जगत लमि
 वोन्त यमि मायावी सँसारूक युस ऊअरवरस भस्म
 गछि । ही दयि । कलुखोफरि छि चअनि माल
 युस भासनावान छि जि प्रथ जीवस छु अऊरवर
 च्यई मँज लय सपुदन ।

योदवय चानि यिमु खेलु छि अकिस स्येदिस
 बोधिस ईसानस खोचनावान, तोति छि चऊिन
 यिमय रँग मँगल करान तु कल्याण कअरी सिद्ध
 सपदान ॥२५॥



मनः प्रत्यकचिते सविधमवधायात्तमरूतः

प्रहृष्यद्रोमाणा प्रमदसलिलोत्संगितदृशः ।

यदालोक्याह्लादं हृद इव निमज्ज्यामृतमये

दधत्यन्तस्तत्त्वं किमपि यमिनस्तत्किल भवान् ॥२६॥

अर्थः -

जगि निश ब्यन च्यथ रूपी

मन तु प्राण सोस रूम रूम

आशि टारटव हृदयस मँज

आन्नदमय हन हन

नु च्य रूपा न च्य काँह रँग

बेरंग तिम च्य पूजन

सूत्य गौरी यिता धर मयोन


तन मन छुसय र्पण

शिव शंकर ही जटाधर

हरषेश्वर भगवन ॥

ही अमृतस्वरूप अमरीश्वर । चु छुख सु
 प्रजलवुन गाश यमिच वखनय कअर नु विजि
 छि बकिड बकिड युगीश्वर ति कअलि ज़न
 गछान । येलि चानि धयानु तु दयायि सृत्य छि
 तिमन केवल चानि कुनि अँशचि ज़ान सपदान
 तिमन छु आन्नदमय सोरई वजूद सपदान । तिम
 छि हदु रोस्त आनन्दु सत्य भरन यिवान तु छि
 पननिस आनन्द अअशिस मँज गोलअ गोतअ
 करिथ चानि धयानुक अमृत रोज़ान हमेशि च्येवान ।
 तथ ध्यानस मँज नु छय जटि गंगा नु छुई
 हटिस वासुक ब्लकि छुय यिमव गहनव तु ग्वनव
 रोस्तई सारिवई रव्वतु बोड क्याहतानि युस चु
 केवल ज़ानियन तु यूगियन योत छुख बासान

॥२६॥



त्वमर्कस्त्वं सोमस्त्वमसि पवनस्त्वं हुतवह
 स्त्वमापस्त्वं व्योम त्वमुधरणिरात्मा त्वमितिच।
 परिच्छिन्नामैव त्वयि परिणतां विश्रुतु गिरं
 न विद्मस्तत्त्वं वयमिह तु यत्त्वं न भवसि
 ॥२७॥

अर्थ: -

शायि-शायि छुख च व्यापक
 चुई चद्रम तु आकाश
 चुई सूर्य तय चुई वायु
 जल पृथ्वी तेजमान
 छु नु काँह छय च्य निश व्यन
 यथ नु चोन रूप बासान
 स्रूत्य गौरी यिता धरु मयोन
 तन मन छुसय अर्पण
 शिव शंकर ही जटाधर
 हरषेश्वर भगवन ॥

ही सर्वव्यापक भगवानु । ऊअसि छि पननि
 बुद्धि हँदि हदु किनि वनान जि च़ु छुख हवा च़ु
 छुख पृथ्वी च़ु छुख आकाश तु च़ुई छुख सोरई
 केह । यिथँ पअठि छँ नअ काँह शय यथ मँज
 न च़ु छुख व्यापत । मगर ही शिवु यि कैछाह बु
 छुस नु ह्यकान वुछिथ च़ु छुख ति ति । वोनि
 यि म्य ब्रौठकनि छु च़ुई छुख सु । तु यि नु बु
 यिमव नाशवान तु अडल्येचव अअछव ह्यक वुछिथ
 ही परमेश्वर तथ ति छुसय बु च़ुई मअनिथ
 नमस्कार करान ॥२७॥



सत्संग से बुद्धि शुद्ध
 होती है ॥

त्रयीं तिस्त्रो वृत्तीस्त्रिभुवनमथो त्रीनपि सुरा
नकाराधैर्वर्णस्त्रिभिरधिदधत्तीर्णविकृति ।

तुरीय ते धाम ध्वनिभिरनुरन्धानमणुभिः

समस्तव्यस्तं त्वां शरणद गृणात्योमिति पदम्

॥ 28 ॥

अर्थ: -

त्रनवय गुण छी च्य दअरिमत्य

त्रयई रूप छुख चु पूर्ण

चुई छुख अकार, चई छुख वकार

चई मकार शिव चरितन

ॐ कार शोद्ध तुया स्वरूप

जीव ब्योन-ब्योन च्यपूजन

सूत्य गौरी यिता गरअ मयोन

तन मन छुसय अपन

शिव शंकर ही जटाधर

हरषेश्वर भगवन ॥

ही सर्वेश्वर महादीव । पनन्येव मूर्ख बोजव
 किनि छु प्रथ काँह यि कूशिश करान जि सु ति
 जानिहे जि ऊअखर चु कयुथ छुख ।
 बऊड-बअड ज्ञानी छि लभान जि सतोगुण
 रजोगुण तु तमोगुण यिम त्रेनवय गुण छुख चु
 पानय । चु छुख त्रेनवय दिवता ब्रह्मा, विष्णू तु
 महेशुन मयुल । च्य छुख ॐ शब्दस पूणता दिन
 वोळ अमिकि त्रय अक्षर अकार वकार तु मकार
 । अथ ॐ कारस प्येठ ध्यान धअरिथ यमि नादुक
 आबास छु ऊअकिस यूगियस सपदान चु छुख
 तऊमी नादुक आधार ॥२८॥



लोभी सदा दुरवी

भवः शर्वो रूद्रः पशुपतिरथोग्रः सहमहां
स्तथा भीमेशानविति यदभिधानाषुकमिदम् ।

अमुष्मिन्प्रत्येकं प्रविचरित देव श्रुतिरपि
प्रियायास्मै धाम्ने प्रणिहितमस्योप्रस्म भवते ॥२९॥

अर्थः -

अष्ट नाव चञ्जिन क्याह छि शूभान
वीद यथ नु सार कुनि लबन
चई छुरव भवः चई रूद्रा
शर्व पशुपति तु उग्रा
महादेवु भीमु ईशान
तुया रूप रछ वोन्य
सूत्य गौरी यिता गरअ मयोन
तन मन छुसय र्पण
शिव शंकर ही जटाधर
हरषेश्वर भगवन ॥

ही लछिनावि । चअनि अऊठ नाव छि
 प्रजलवज्जिन तँ शूभयिमान । यिम नाव छि भवः
 रुद्र, शर्व, पशुपति उग्रा महादेव, भीम तु ईशान
 ही परमेश्वर चानि अकि अकि नावऊच छि
 तीच महिमा जि वीद ह्येकन नु पूर व्यखनय
 कुनि अकि नावऊच ति करिथ । येलि चोन
 नाव छु हदु रोस्तुई महिमायि वोल तु चु क्याह
 आसरव पानु । ही भगवान रछा दित म्य ति बास
 अमि बजरूक ।

ही भगवानय चअनिस तुर्या स्वरूपस गयि
 वान्नि ऊअसि शरण तु छिई च्य नमस्कार करान

॥२९॥



सअरी समव पायस प्यमव
 करव शुद्ध विचार
 अँजरून गँजरून त्रअविथ छिनव
 दयव लागि भवसर तार ॥

(पोशि मोत)

वपुष्पादुर्भावादनुमितमिदं जन्मनि पुरा
पुरारेणैवाहं क्वचिदपि भवन्तं प्रणतवान् ।

नमन्मुक्तः सम्प्रत्यतनुरहमग्रेऽप्यनतिमान्
महेश क्षन्तव्यं तदिदं अपराधद्वयमपि ॥३०॥

अर्थः -

जन्मु जनमन ही महादेव
जाँह कअरमय नु पूज चअनि
छुम शरीर वोन्य मोकलयोमुत
आवसिथ पयोसय परण
बुथि कति नमु वोन्य शरीर रोस्त
कर क्षमा दोन पापन
सूत्य गौरी यिता धर मयोन
तन मन छुसय अर्पण
शिव शंकर ही जटाधर
हरषेश्वर भगवन ॥

ही क्षमाकारक । अज छुम पूरु फिकरि
 तरान जि मय खअति जु पाप यमि खअत्रु बु च्य
 गुलि गंडिथ छुसय क्षमा मंगान । गोडनयुक पाप
 छुम यी जि अजताम ज़नम ज़नमन कअरभअ
 नु जाँह चऊिन पूजा तु दोयिम पाप छुम यी जि
 ब्रोंह कुन करुहा चअनि पूजा मगर वोत्रि आस्यम
 नु शरीर ति तु किथु लागय चान्यन चरणन बँ
 भविकय पोश । वोन्नि पयेमहा परन चान्यन पादि
 कमलन मगर मय छु वोन्नि शरीर ति आवस्योमुत
 तु बु छुस नु च्य कुन नमिथ ति ह्येकान ।

ही दयि मयानि यथ छेनिमचि कायायि कुन
 वुछ । म्य छु पानिकि पअठि धारि खून वसान
 तु काँह अँग छुम नु ओर मयानि बेबसी त
 मजबूरी कुन वुछिथ, ही दयि कर तु म्य चु क्षमा

113011



नमो नेदिष्ठाय प्रियदव दविष्ठाय च नमः
 नमः क्षोदिष्ठाय स्मर हर महिष्ठाय च नमः ।
 नमो वर्षिष्ठाय त्रिनयन यविष्ठाय च नमः
 नमः सर्वस्मै ते तत् इदम इति शर्वाय च नमः

॥३१॥

अर्थ: -

शिव चअनिय निशि आसनस
 तथ स्वरूपस छुस शरण
 छय चेय प्रय जंगलन हँज
 अथ बजरस चेई परण
 कामदीवनिस भस्म करनस
 तथ स्वरूपस चेई नमन
 मोट तय लोकुट रूप दअरिथ
 ही त्रियमबकअ छुस चेई पूजन
 छुख चु नाशि रोस्त अविनाशी
 तथ तुरिया रूपस चेई परण ॥

ही विश्वव्यापी पूर्ण भगवानु । च्य यिम
 यिम रूप बु ह्यक् डीशित तथ छुसय बु प्रणाम
 करान । चु छुख म्य सारिवई ख्वत नजदीक
 क्याजि कि म्यानि दिलचि दुबरायि मँज छुख
 चई अथ रूपस ति छुसय नमस्कार करान । चु
 छुहम जगलन मँज फेरान आसान तु म्यानि
 बोज तु वअनी छुख नु वनि यिवान तथ रूपस
 ति छुसय नमस्कार करान । ही भगवान यमि
 स्वरूप सूत्य च्य कामदीव भस्म कोस्थन तथ
 पायि बरितिस रूपस ति छुसय नमस्कार करान
 । ही भगवान चु छुख प्रथ शायि हुँद बीज त च
 छुख बडि खोत बोड ति । यिमन दोनवनी रूपन
 छुसय नमस्कार करान । ही सानि सतचितस्वरूप
 च छुख सनातन तिक्याजि चु ओसुख यमि
 ब्रह्माण्डकि पअद सपदन ब्रोंह ति अमि प्रजलवनि
 प्रकाश सूत्य गाह मारान । ही नाशिरोस्त ईश्वर
 चअनिस प्रथ रूपरूपस छुस बु नमस्कार करान

॥३१॥



बहलरजसे विश्वो त्पत्तौ भवाय नमो नमः

प्रबल तमसे तत्संहारे हराय नमो नमः ।

जनसुख कृते सत्वो द्विक्तौ मृडाय नमो नमः

प्रमहसि पदे निस्त्रेगुण्ये शिवाय नमो नमः ॥३२॥

अर्थ: -

चई सतोगुण, चई रजोगुण

चई तमोगुण साकार

त्रियगुण छुख चई गुणातीत

प्रथ गुणसीई नमस्कार

कर रक्षा वोत्रि आसय शरण

कल्याण रूपस छुई नमस्कार

सूत्य गौरी यिता धरु मयोन

तन मन छुसय अर्पण

शिव शंकर ही जटाधा

हरषेश्वर भगवन ॥

ही जगतस रक्षा करन वालि भगवानु ।
 चई छुख ब्रह्म रूपस मँज सतगुण ऊअसिथ
 जगत वोपदावान, चई छुख विष्णू रूपस मँज
 रज्जुगुण ऊअसिथ यथ जगत पालान त चई छुख
 रुद्र रूपस मँज तमुगुण अअसिथ अम्युक संहार
 करान।

ही कल्शणकअरी चई छुख यिमन त्रनुवनी
 गुणन निश व्यन रूजिथ आनन्दमय सोरई जगत
 बनावान । ही भगवान चान्येन यिमन सारिनिई
 गुणन छुस बु लोल बोरूत नमस्कार करान॥३२॥



“सत्य प्रिय हितकर
 बोलो” ।

कृशपरिणति चेतः केशवश्यं क्व चेदं
 क्वच तव गुणसीमो ल्लघिनी शशत् ऋद्धिः ।
 इति चकितम् अमन्दीकृत्य मां भक्तिराधा
 वरद चरणयोस्ते वाक्य पुष्पोप हारम् ॥३३॥

अर्थः -

अन्ताकर्णं म्यङ्गिण ही दयि
 दोख तु व्यऊज्ज सोस बासन
 छुस बँ खोचान क्षणु-क्षणु
 छुम भ्रम तु मुह व्यसरावान
 कऊर मेय स्मरण चानि नावऊच
 खूचि-खूचि वोन्य बु वनवन
 सूत्य गौरी यिता गरु मयोन
 तन मन छुसय अर्पण
 शिव शंकर ही जटाधर
 हरषेश्वर भगवन ॥

ही अअरित्येन हँदि नाथु । मयोन मन छु
 दोखव तँ व्यअजव वोलमुत । मयान्यव यछायव
 तु म्यअनि अज्ञानन छु म्य दोखन हुन्द नाद
 वोलमुत मगर अम्युक ज्वन छुम जि चोन बजर
 कासि म्य जन्मन हुन्द दोख तु भय ॥

ही भगवान पननि भावु किनि छुस चऊिन
 तवत्त ग्यवान तु चु कास म्य मरु मरु यिमन
 जनमन हुँनद ॥३३॥



“पापी से नही
 पाप से घृणा करे”



असितगिरिसंस स्यात्कज्जलं सिन्धुपात्रे
सुरतरुवरशाखा लेखनी पत्रमुर्वी ।

लिखति यदि गृहीत्वा शारदा सर्व कालं
तदपि तव गुणानामीश पारं न याति ॥३४॥

अर्थ: -

योदवय पृथ्वी आसि कागज
समंदर बनि दवात
कल्पवृक्ष आसि कलम बदलै
न्यूल पर्वत मील जन
सरस्वती योद रोजि लेखान
तोति हऊरनय चअनि गोण
सूत्य गोरी यिता धर मयोन
तन मन छुसय अर्पण
शिव शंकर ही जटाधर
हरषेश्वर भगवन ॥

ही गुणातीत निर्गुण । वैदिवय पृथ्वी रोजि
कागज बदल, नयूल पहाड़ रोजि मीलि बदल
समन्दर रोजि दवाति बदलु तु विधायि हँज
भगवती माता सरस्वती रोजि पानु कल्पर्वक्ष सूत्य
लेखान तोति हऊरन चऊिन गोण तिक्याजि यि
सोरई गछि कम, अमि सारिचई वरवनय करान

॥ ३ ४ ॥



“बनिथ नन्दी शिवस परअछमय मे
अरव कथ च्य थोद छा कायनातय
मँज दोयिम काँह अगर चई चई
फकत चई आसवुन छुख च पूजान
कस करान ध्यान बेयि गऊजगाह” ।




अहरहरनबंध धूर्जटेः स्तोत्रमेत
 त्पठति परमभक्त्या शुद्धचित्तः पुमान्यः ।
 स भवति शिवलोके रुद्रतुल्यस्तथाऽऽत्र
 प्रचुरतरधनायुः पुत्रवान्कीर्तिमाश्र ॥३५॥

अर्थः -

प्रथ दोह युस पजि भावु किनि
 परि लोलु सान यि त्वता
 शिवमय बनि आयुब्मान
 पुत्रवान बेयि धनवान
 वैभव तस प्रथ सातन
 मान तीज बेयि अत्र धन
 स्रूत्य गौरी यिता धरु म्योन
 तन मन छुसय अर्पण
 शिव शंकर ही जटाधर
 हरषेश्वर भगवन ॥

ही ममिमनस्त्रोत्रचि महिमायि मुतुलिक छु
 वननु यिवान जि युस ति काँह परि यि त्वता
 पजि लोल तु भावु सान तमिस मेलि यथ संसारस
 मँज हर काँह संसारिक एश्वय तु परिलूकस मँज
 बनि सु शिवमय तु गछि बडिस आगरिस शिवस
 मँज लय ॥३५॥



दीक्षा दानं तपस्तैर्थ
 स्नानं योगादिका क्रिया ।
 महिनस्तवपाठस्य कलां
 नाहन्ति षोडशीम् ॥३६॥


अर्थ: -

तीर्थ शान बेयि धर्म कऊरि कऊरि
 तन मन युस नावन
 तप जप तय हुम करुवऊनि
 रऊित-रऊित फल प्रावान
 युस महिम्नापार न्येथ परि
 अष्टगण फल छु प्रावन
 सूर्य गौरी यिता धरु मयोन
 तन मन छुसय अर्पण
 शिव शंकर ही जटाधर
 हरषेश्वर भगवन ॥

ही युस फल काँह तीर्थन दानव यात्रायव
 यज्ञन्येव तँ वीद पअरि पअरि प्रावि तमि खवोतअ
 अअठअ गनु फल छु केवल यि महिम्नास्त्रोत्रम
 परनु सूत्य मेलान ॥३६॥



नमः शिवाय



श्रीपुष्पदन्त मुखपङ्कजनिर्गतेन
स्तोत्रेण किल्बिषहरेण हरप्रियेण ।

कण्ठस्थितेन पठितेन समाहितेन
सुप्रीणितो भवति भूतपतिर्महेशः ॥३७॥

अर्थ: -

श्री पुष्पदन्त पननि पँकज
मोखु छु वोत्रि व्यखनान
खोश आयि सु शिवनाथस
वर दयुतनस सनिदान
परि काँह या बोजि काँह युस
शिव तस प्येठ छु ख्वश गछन
सूत्य गौरी यिता धरु मयोन
तन मन छुसय अर्पण
शिव शंकर ही जटाधर
हरषेश्वर भगवन ॥

युदवय काँह याद करि या परि या धरस
 मँज थवि यि शिव त्वता, युस जनु श्री पुषपदन्त
 जी सँदि पँकज मुख मँज छि बडि लोल सान
 द्रामऊच त युस जन भगवान शिवय छि बडअ
 टअठ, तमिस प्येठ छु भगवान बडु प्रसन्न गछान

॥३७॥



इत्येषा वाङ्मयी पूजा श्रीमच्छङ्करपादयोः ।
 अर्पिता तेन मे देवः प्रीयतां च सदाशिवः

॥ 38 ॥

अर्थः -

छुस बू शिवु बजि भावनायि
 अख वर चे सनमोख मंगान
 कऊर मे त्वता पऊर में लीला
 पादु जोरि पूजा करान
 रोज संतुष्ट ही रक्षपाल
 श्रम करतम में इन्द्रियन
 स्रूत्य गौरी यिता धरु मयोन
 तन मन छुसय अर्पण
 शिव शंकर ही जटाधर
 हरषेश्वर भगवन
 पूजि लागय चऊर चअरी
 भावु पम्पोश चरणन ॥

अन्थरोस्त बजरु बडि लोलु सान
 कऊरमय म्य चेय पननि पजायि मँज पननि
 वअनी रूप यिम मुशकुदार पोश अर्पण । ही
 म्यानि सदाशिव म्य प्येठ सन्तुष्ठ रूजिथ शोमरावतु
 च म्यानि इँद्रियि ताकि बु ति चऊिन त्वत परान
 परान लभुहा चऊिन अख लूँट युस म्य
 कल्याणकअरी बनिहे ॥३८॥



इति समाप्त



आत्मा त्यं गिरिजा मतिः सहचराः प्राणणः शरीरं गृह
 पूजा ते विषयोपभोगरचना पिद्रा समाधिस्थितिः ।

संचारः पदयोः प्रदक्षिविधिः स्तोत्राणि सर्वा गिरो
 यद्यत्कर्म करोमि तत्तदखिलं शम्भो तवाराधनम् ॥





हनि हनि मँज छुख च ईश्वर
छि नअ काँह शय चय निश ब्यन ।

ही अविनाशि च्यतु आकाश
म्यानि शुरि बाशि बोजतम ।

थावतम पाद मँज जिगरस
शिव भाव गकिनरावतम

सत्य गौरी यिता घरँ मयोन
तन मन छुसय अर्पण

पूजि लागहय चक्रि चअरी
भाव पम्पोश चरणन ।

शिव शंकर ही जटाधर
हरषेश्वर भगवन ।

ब्रह्म रूप ब्रह्माण्ड छुख
पानस निश चु वोपदान ।

तथ सअरिसई विष्णू रूप छुख
सोख तू आन्नद बरवशन ।

ही प्रलँयकर ख्यय करनवुन

चई जगि छुख हन-हन ।

सृत्य गौरी यिता ॥

दिह दअरिथ कऊित पअथअर

हअविमय मय जन्म जन्मन ।


ही शंकर युद ख्ख गोख

त्येलि हावतम म्य दर्शुन ।

पअथऊर म्यऊिन ख्खश नय छी

त्येलि दितम जन्म निश छयन

सत्य गौरी यिता घरु म्योन ॥



शिव शँकर ही जटाधर

हरषेश्वर भगवान ॥



ॐ नमः शिवाय

भजन न० १

दिल लिया तु लोलअ जम-जम,
 बम-बम ऐ फकीरा,
 सोरम वेशमअ चानि पुरखम,
 बम-बम ऐ फकीरा।

यानि वुछमय जबीन चोन,
 मोठ मे सोरुय नोव तय प्रोन,
 चजि छायि वसवास तु गम।

चानि अकि सोरवनअ सीतयेन,
 ज्ञान गयि मे दोन दीदन,
 साडे मन को आया श्रम ।

गाह प्येव कुल जहानस,

राम आव कायिनातस,

खासन सत्य आमन गवत्रम ।

लोलस मस तेरे दर पर,

साकिया अज़ ब्रु चोवयस,

पायिमानअ क्या छु पुरखम ।

वायान साज़ संतूर,

सोरख मोरख आया सरूर,

तारअ चअरिय छु ज़ीरअ बम ।

शिवनाथ हे त्रिजगतपाल,

चरणन वन्दय पनिनय लाल,

कैलास कोह सु हरदम ।

तेरे संग है पारवती,

कासान तंग दस्ती,

सर्वमंगल तमिस छु क्रम ।

आदिदीव सेदिदाता,

संग उसके श्री वल्भा,

टोठान सु भक्तियेन हरदम ।

गले है श्री वासुकी,
जटा मे है माता गंगे,
चेय वुछिथ दूर चलान यम ।

बेनवा हूँ मे मुज़कर,
दस्त बस्त तेरे दर पर,
“पोशि मति” जोशि पिन हम,
बम-बम ऐ फकीरा ।

भजन न० 2

ब्रशबस खसिथ सु शंकर,
यि ना सु अज़ यपअरी,
लागहस बु शेरि बाविक,
पमपोश चअरि चअरी ।

लछनोव सु शानअ बोड दय, कोफूर रंग दयावान,
डेकि शायि यस छु चन्द्रम,
जटि मँज गंगा सु त्रावन,
बागम्बरा सु वलिथीय, यीना सु अज़ यपअरी ।

भस्मा मलिथ यस अन्गनीय,
 पूर्ण छु नूर बोरतुय,
 गोडअ कअरि तु तुरकि कननीय,
 नागेन्द्रहार दअरिथ,
 अयअवास करिथ कु गौरी ।

बम-2 शब्द युस बोलान,
 डाबर त्रिशूल वायान,
 भैरव विताल सअरी,
 यस पतु छि रास खेलान,
 नुन्दबोन कल्याणकअरी ।

सुय अगूर नीलकण्ठ युस,
 कासवुन छु दोख तु दअदी,
 आसवुन छु पापहअरी,
 बासवुन छु युस चोपअरी,
 कासिना में बेकरअरी ।

लूसुस बु प्रअरि-प्रअरी,
 त्राविना मलाल सअरीय,
 करहस बु वीलजअरी,

वन्दहअस बु टअठि सअरी, पादन लगस बु पअरी।
 कैलास यस छु आसन,
 रछवुन युस छु दासन,
 चावान सु मस खुमारुक,
 छावान छु पोश भावुक,
 “पोशि मोत” छुस यस पुजअरी,
 यीना सु अज यपअरी ।

भजन न० ३

मे ज्ञान गयि यामथ मे दूर गव मुँह भ्रम,
 चित-आन्नय रुपम शिवोहम शिवोहम ।
 मे दूर गव वसवास मे चोल खोफ तय गम,
 चित-आन्नद रुपम शिवोहम शिवोहम ॥

मे अछयोन्द आन्नद मन्स मँज थनअ प्यव,
 चयतस मनज सदा शिव सोयमवू प्रकट गव,
 मे राम आव मनसीय मे गव इन्द्रियन श्रम ॥

मे वुछ पअनि पानस थज़र तय बजर कूत
 मे गव बूद अन्दरीय निराकार नाबूद,
 वज़नि लोग मे अन्दरीय रअस्युल ज़ीर तय बम ॥

मे लोग ज़ालअ अनका यचकअलस गुलालय,
 छु मारान सु हेरि बोनअ हरननि छालय,
 चोपअरय मे पानस गंडुन लोलुकुय जम ॥

वुछुम सुय मे करता बरता तु हरता,
 बु छुस पानय स्वामी ज़गतुक विधाता,
 अन्दर तय बाहर मे सनमोरख सु हरदम ॥

पानय सु मनगवुन पानस मुरादा,
 गुफित ओस अन्दर मे मोलुल अरव खज़ाना,
 बनिथ हअंज़ पानय रटिय नावि सु नम ॥

परन वोल ति पानय विधा छुस बु पानय,
 मे ज़ान गयि दीदन ज़बर ज़ेर ति पानय,
 मे चलि छायि गितय तय मे दूर गव मुह ब्रम ॥

अगन जल तअ वायू बु सोरुय छुस पानय,
 बिहित छुम मे मनि मन्ज दयावान पानय,
 मे सोरव मोरव छु ताबेय दमादम पिनहम ॥

फोलवुन मे गुलजार अनदिरय छि मे पानस,
 रंगा रंग मुशिक क्या अनदिरय पोशि बागस,
 “पाशि मति” खोश रोज मुशिक छय चे पयहम,
 चित-आन्नद रुपम शिवोहम शिवोहम ॥

भजन न० 4

पादि प्रणाम माजि भगवतीये,
 आवय शीव नाथ सीतय पार वतीये,
 करसय पूजा तु लागस पोशि फतीये,
 आवय शीव नाथ सीतय पारवतीये ।

वहिरय वरियस ओसुस बु प्रारान,
 आयि हेरथ प्रथ शंय छि प्रजलान,
 चअलि मे जिगरस अज हय आमततिये ।

बोर में वटूखा वछि किस कुठिसीय,
 गरनावय वासनायि बरसीय,
 शँख तु घंय वअयिम लोतअ लोतुये।

ऋशि डुलिजि बेयि सनिवारे,
 पूजिमय मे तिम अज हय वारअ वारे,
 अशि टारयेन मँज हय लव होतुये।

यूग स्येद गव अज हय तप ऋविनीय,
 शीव रात्रि योह शीव-शीव परनीका,
 दोह रात जन करिथ नालमोतुये।

सिरि चन्द्रम लय गव यत्णसान,
 सूहमसू बम-बम छु बोलान,
 चयेय हय चेनान मति तय वातिये।

हटि वासुक जटि छस गंगा,
 नूरअ बरितिस मलिय छय बसमा,
 पायि बडिसीय मोय छुस छोतुये।

चोल में क्रेछर ज़नमुक सोनय,
 वसवास तय छांयि गितय सोरूय,
 कोर मे अनुग्रह नोन सूरमतिये।

कअर नोमरिथ छि सअरी बुतराय,
 माजि दीवी अज हय छय सतराय,
 पोशि मालअ करि अज हय पोशि मतिये,
 आवय शीवनाथ सीत पारवतिये।

भजन न० 5

गाह च हरमोख गाह च कैलास,
गाह च शुमशानस अन्दर,
मयानि शंकर कति बु छाडंथ,
छुस बु तूफानस अन्दर ।

चेय बु जासय चेय बु रोछतस,
छुख च म्योनुय मोल मअज,
क्याह खता छुम क्याजि त्रोवथस,
यीरअ बुतरवानस अन्दर ।

गंड मे फयुरनम मुह माये,
तृष्णाये वोले मे जाल,
दमशुमअरी छम मे शंकर,
तछनअ खुमरवानस अन्दर ।

गोट मे गोमुत छुम अछेन दोन,
अनि सारे वन्य दिवान,
पनिने अनुग्रह कर मे यअरी,
छुस बु वैरानस अन्दर ।

गोम लोकचार छल करि-करि
 दरजवअनी अंधकार,
 पिलअ कोत वोन्य छम मे थरु-थर,
 नठ में आसमानस अन्दर ।

तशनु लब छुस जन्मअ ज़नमन,
 त्रेशि हतिसीय छम पेपास,
 चावतम अज़ मयूठ दामा,
 पानअ मोयरवानस अन्दर ।


अज़ ताम अअसि यिम मे दरयिल,
 छयेफ तिमव दिच तु त्रोबहस,
 सरिराह वोनि छुस प्योमुत,
 यीरअ अन्ज़ानस अन्दर ।

बोड हचरलद बेबसा तय,
 नाब कारा च़ेय शरन,
 आर यीनस अख गरा वोन्य,
 छुस बयाबानस अन्दर ।

पोश कअत्याह फोलि वारेन,
 केहँ छि कोमल केहँ छिरवार,
 “पोशि मति” वोला फेर चमनस,
 अछःच वोनि पानस अन्दर ।

ॐ शान्ति शान्ति शान्ति





Author:
Sh. Poshkar Nath Koul (Poshmut)

Printed by:
DURGA PRINTING PRESS
Old Janipur, Opp. Patoli More, Jammu Ph: 549863